

四庫全書

子部

欽定四庫全書

子部

聖濟總錄纂要卷九

詳校官太醫院吏目臣朱桂

編修臣倉聖脈覆勘

總校官降調編修臣倉聖脈

校對官主事臣陳墉

謄錄監生臣

錢璣

欽定四庫全書

聖濟總錄纂要卷九

休寧程林纂

膈氣門

膈氣統論

論曰胸中者氣之府呼吸升降之道也陰陽升降順理則氣道通調胸中乃治喜怒哀寒熱不調則氣聚於胸而為膈氣夫膈氣有五憂膈恚膈氣膈寒膈熱膈是也憂

膈之病胃中氣結煩悶津液不通飲食不下羸瘦無力  
患膈之病心下若實嘔輒噫醋心食不消心下痞澀積  
結在于胸中大小便不利氣膈之病胸脇逆滿咽塞不  
通惡聞食臭寒膈之病心腹脹滿咳逆膈上苦冷臍腹  
常鳴食不生肌熱膈之病臟有熱氣五心中熱肉爛生  
瘡骨煩四肢重唇口乾燥身體頭面手足或熱腰背疼  
痛胸痺引背水穀不消不能多食羸瘦少氣此五膈為  
病之症也人之和氣一有憂思恚怒寒熱飲食悉皆傷

之致陰陽不和臟腑生病氣痞于胸膈之間故曰膈氣諸方之論不一又有十膈症各不同其發之原不越于此也

### 五種膈氣

論曰人之胸膈升降出入無所凝滯命曰平人若寒溫失節憂恚不時飲食乖宜思慮不已則陰陽拒膈胸脘痞塞故名膈氣曰憂曰恚曰氣曰寒曰熱五種雖殊其為膈病則一

建中丸 治男女五種膈氣及一切氣不思食

白豆蔻 胡椒 甘草 陳皮 高良薑 藿香

子炒一兩 紅豆蔻 人參 川芎 藟醬 黑乾

薑 藿香葉五錢

共末入蜜杵丸芡實大酒下二丸薑湯下亦可

備急沉香散 治霍亂吐瀉氣逆結胸膈氣刺痛不思

食

沉香 丁香 京三稜 黑乾薑 蓬莪茂五錢

肉豆蔻 人參 木香 赤茯苓 藿香葉

桂心

一兩

高良薑 甘草 胡椒

一分

共末用鹽點茶下二錢

五膈丸

治五種膈氣噎塞胸中滿悶不下食

白朮 木香

陳皮

去白炒

訶勒皮

桃仁

去皮尖炒

襯布

洗燒灰三分

桂心

大黃

半夏

薑汁炒

枳實

麩炒

檳榔

微煨

琥珀

研一兩

共末入蜜杵丸如梧子大薑棗湯下三十丸

人參白朮湯 治膈氣咽塞憂結不散

人參 白朮 甘草 京三稜 訶勒皮 陳皮

去白 炒 木香 桂心 檳榔 草豆蔻 赤茯苓

枳殼 炒五錢

生薑水煎三錢溫服日二

人參丸 治膈氣咽塞噎塞不下食

人參 檳榔 紫朴 薑汁 炒 枇杷葉 一兩

半夏 薑炒 五錢



共末糊丸如梧子大薑湯下二三十丸日二

導氣散 治膈氣咽塞不下

虎頭骨 人參 紫朴 羚羊角 葶撥一兩

共末飲下二錢

裨布丸 治膈氣噎塞不下食

裨布 洗淨燒灰一兩 椿杵頭細糠一合

共研用老牛涎一合生柏葉汁一合慢煎入蜜攪成膏與末杵丸芡實大每用一丸含化嚥下

膈氣嘔逆不下食

論曰膈氣嘔逆不下食者由胃氣不足風熱乘之或憂  
恚氣結不得宣通故令膈腕痞滿氣塞胸中縱能食而  
卒不下或入胃中多致不消與留飲相擊則變為嘔逆  
也

丁香丸 治膈氣嘔逆不下食壅悶惡心

丁香

二十  
一枚

木瓜

木香

一兩

檳榔

微煨  
一枚

肉豆

蔻

一枚

青皮

去白炒  
七枚

半夏

薑炒  
一分

共末入蜜杵九梧子大薑湯下二十九

人參赤茯苓 治膈氣嘔逆不下食或憂恚氣不宣通

人參 赤茯苓 細辛 白芍藥 枳殼去白炒

黑乾薑 桂心 炙甘草一兩 檳榔 訶勒皮兩半

共末入蜜杵九如梧子大用酒下二十九 如覺有

物在喉中即九三五九如彈子大津嚥含化一丸

五膈丸 治胃氣素弱因于憂恚膈氣虛弱嘔逆不思

飲食

人參

一兩

附子

川椒

細辛

遠志

乾薑

五錢

炙甘草

麥冬

桂心

三錢

共末入蜜杵丸如彈子大食後含化一九津液嚥下  
覺胸中氣逆即服一九日三

膈氣痰結

論曰膈氣痰結者謂結痰在胸膈之上喉間噎塞咳唾  
稠濁氣滿胸中妨害飲食蓋緣脾肺久虛氣道痞澀不  
能升降水飲停結聚而為痰久不差則變虛弱上喘之

病

木香丸

治膈氣痰結嘔吐酸水

廣木香

青皮

白朮

桂心

益智仁

肉豆

薏

煨一兩

吳茱萸

細辛

黑乾薑

五錢

共末用酒煮陳米糊丸如小豆大生薑湯下十五丸

至二十九日二

妙紅散

治膈氣痰結嘔逆吐食

紅麴

炒

人參

丁香

白茯苓

藿香

五錢

共末飲下二錢日二

五膈丸 治膈痰結胸中不利

赤茯苓 陳皮 桑白皮 紫蘇一兩 檳榔煨八枚

紫朴薑炒一兩 生薑焙二兩 旋復花兩半

共末入蜜杵丸如梧桐子大飲下二三十丸

嘔吐門

嘔吐統論

論曰人之陰陽升降三焦調順脾胃和勻乃能腐熟水

穀變化糟粕傳瀉行導下走腸間若脾胃虛冷水穀不  
化則陰陽痞膈三焦不調濁陰之氣不能下行冲奔于  
上故發為嘔吐然吐逆之病有得之于膈實者有生于  
中滿者有發于下焦者種種不同悉本于胃氣逆則嘔  
吐蓋胃者水穀之海三焦者乃水穀之道路胃氣宣通  
則上焦如霧中焦如漚下焦如瀆命曰平人若胃氣虛  
弱水穀遲化停滯三焦格拒升降不勻其氣虛滿得食  
則嘔而又有朝食暮吐暮食朝吐者有食已即吐者有

嘔吐穀不得前者有但嘔而無所出者有先嘔却渴者有先渴却嘔者有嘔家本渴而反不渴者治求其本各有不同假令內格拒逆食不得入是有火也病嘔而吐食久反出是無火也舉此二者乃知嘔吐之名則一而治藥之法各異雖治有冷熱有虛實之別要在安胃氣為本使陰陽升降呼吸平均嘔吐之病順而愈矣

嘔吐

論曰嘔吐者胃氣上而不下也譬之空餅小口頓漑不



入乃升氣所礙人病嘔吐其理如此蓋脾胃氣弱風冷  
干動使留飲停積飲食不化胃氣虛脹心下澹澹其氣  
上逆故令嘔吐也

厚朴丸 治脾胃虛寒痰盛嘔吐

紫朴

去皮一斤  
薑汁炒

半夏

半斤

生薑

三斤取汁又入  
水三碗搗絞汁

將汁全朴半共入砂鍋內慢火煮乾為末棗肉丸如  
梧子大酒下二十丸

藿香散 治脾胃虛寒痰盛嘔吐不止飲食不化

藿香

紫朴

一兩

桂心

炙甘草

五錢

青皮

去白炒三

分

枇杷葉

去毛炙一分

乾薑

兩半

薑棗水煎三錢服

七寶湯

治脾胃虛冷嘔吐痰涎胸膈痞悶不思食

人參

白茯苓

甘草

一兩

大腹皮

全用

半夏

薑製二兩

草豆蔻

四枚煨

訶勒皮

五枚

薑棗水煎三錢服

濟急丸

治脾胃虛寒痰飲留滯嘔吐不止

附子

大者一枚剉空

丁香

四十九枚入附子孔內封

以薑自然汁浸附子於器中重湯煮乾為末每服一

錢津液嚥下

和胃湯 治食飲不下嘔逆清水面目虛腫

人參

二兩

赤茯苓

兩半

半夏

茅草根

一兩

木通

青竹茹

三分

甘草

五錢

薑棗水煎三錢空心服

人參半夏丸

治嘔吐不下食頭痛

人參 半夏

湯泡七次薑汁製二兩

前胡 一兩

鉛丹

水飛過五錢

共末蒸大棗去皮核杵成丸如梧桐子大空心薑湯

下二十九丸晚再服

乾嘔

論曰嘔而欲吐吐而無所出故名乾嘔此由陰陽不和胃中虛弱氣逆上行不能下降故有乾嘔之症

麝香平氣丸 治胃氣虛弱乾嘔心胸痞悶痰逆惡心

吞酸噫食腹脇疼痛和脾胃進飲食辟除邪氣

麝香 木香 沉香 肉豆蔻 乳香

生薑汁煮研成膏

丁香 丹砂 桂心 紫朴

薑汁炒

半夏

薑汁製

檳榔

一兩

共末入膏糊丸如梧子大空心飲下二十丸

四倍散 治胃氣不和乾嘔惡心

訶梨勒

煨取皮一兩

人參

二兩

白朮

飯上蒸四兩

白朮

陳土炒八兩

共末鹽湯下二錢或薑棗水煎服之大補虛損

安中散 治乾嘔

小麥

炒四兩

甘草

炙

陳麴

五錢

乾薑

炒一兩

共末空心棗湯下二錢日二除邪熱和胃氣進飲食

桂苓湯 治乾嘔煩悶不下食

桂心

人參

白朮

乾薑

五錢

砂仁

紫朴

一兩

陳皮

甘草

二分

薑棗粟米水煎三錢服

和安湯 治胃氣上逆乾嘔不止

陳皮

去白炒一兩

甘草

炙二兩

乾薑

炒五錢

薑水煎三錢空心溫服

參粟湯 治乾嘔不下食

人參

一兩

半夏

湯泡七次四兩

生薑

五大片

陳粟米

二兩

全入礪慢炒搗為粗末薑棗水煎三錢空心服

胡椒湯 治胃氣上逆乾嘔煩悶

胡椒

二十粒

木香

二錢

熟糯米

合

金匱要略卷之八  
全炒燖分三服水煎空心下

痰飲門

痰飲統論

論曰人之有形藉水飲以滋養水之所化憑氣脉以宣  
流蓋三焦者水穀之道路氣之所終始也若三焦調適  
氣脉平均則能宣通水液行入于經化而為血灌溉周  
身設三焦氣澀脉道閉塞則水飲停滯不得宣行因之  
聚成痰飲為病多端古方論痰飲有四痰飲懸飲溢飲



走飲是也若其人素盛今瘦水走腸間漚漚有聲謂之  
痰飲水流脇下咳唾引痛謂之懸飲飲水流行歸于四  
肢當汗出而不汗體身疼重謂之溢飲其人咳逆短氣  
倚息不得卧其形如腫謂之支飲此飲疾之大概也然  
又有五飲及水在五臟病各立名不同與夫聚而不散  
曰留飲癖于脇肋下曰癖飲流移不定曰流飲沉伏于  
內曰伏飲因酒多而成名曰酒癖因寒多所致即曰冷  
痰因熱邪所傷即曰熱痰病雖多端悉由三焦不調氣

道否澀而生病焉是以氣行即水行氣滯即水滯故知  
飲之為病在人最多善治者以宣通其氣脉為先則水  
飲無所凝滯所以治痰飲者當以溫藥和之蓋人之氣  
血得溫暖則宣流也及結而成堅癖則兼以消痰破飲  
之劑攻之堅癖自消痰飲自愈

痰癖

論曰痰癖之病由三焦氣不升降水飲停滯留于脇下  
寒氣乘之則令脇肋堅脹按之澀澀有聲有時而痛妨

害飲食久不施治令人肢體羸瘦謂之痰癖

枳殼丸 治痰癖脇肋刺痛勻氣寬膈

枳殼 人參 五味子 柴胡 五錢 甘草

石斛 訶勒皮 一兩

共末蜜丸如梧子大飲下三十丸

消飲白朮丸 治痰癖及飲酒停痰積聚不利嘔吐目

昏耳聾腸中水聲

白朮 半夏 薑汁搗餅

枳殼 去蘘炒

炙乾三兩

四兩

欽定四庫全書

醫部全錄卷九

乾薑

炒二兩

共末蜜丸如梧子大空心飲下三十丸

支飲

論曰水飲停積胸膈不能消化支乘于心故名支飲其狀令人心下築悸咳逆喘息飲食不下身體虛浮形如水腫是也

參朮丸

治支飲不消胸膈滿悶

人參

赤朮

膽南星

三分

半夏

生薑

晉礬一兩

將生薑南星半夏搗成餅慢炙黃與藥共末糊丸如

梧子大薑湯下二十丸

甜葶藶丸 治支飲氣喘不得息

甜葶藶紙上炒

木香

半夏

薑汁製

共末薑汁糊丸如梧子大空心薑棗湯下二十丸

檳榔丸 治支飲胸膈痞滿悶

檳榔

肉豆蔻

麪包煨五錢

半夏

薑汁製

青皮

去白炒

乾薑

炒黑  
一兩

共末薑汁糊為丸如小豆大薑湯下五丸以差為度

留飲

論曰留飲之病得于三焦壅痞氣脉凝澀致飲水不消  
留聚胸膈之間令人痞滿短氣脇下脹滿喜渴數飲是  
其候也

赤茯苓 治膈間留飲嘔逆多眩短氣多渴

赤茯苓 柴胡 白朮 枳殼 檳榔一兩 杏仁

半夏

三分

人參 旋復花

五錢

薑水煎三錢空心服

半夏湯

治留飲不除胸中痰冷

半夏

五兩

人參 附子 桂心 甘草

赤茯苓

白朮

三兩

薑水煎三錢空心服日二

枳實湯

治留飲不消心下痞堅時復作痛

枳實

麩炒二兩

白朮

土炒三兩

桂心

一兩

薑水煎三錢空心服日二

沉香茯苓丸 治留飲

沉香一兩 白茯苓 半夏薑汁製 人參去蘆 丁香

二兩 甘草 陳皮去白 肉豆蔻煨 檳榔五錢

共末蜜丸如梧子大薑湯下二十丸溫脾胃利胸膈和氣血

葷撥煮散 治留飲食癖

葷撥 炙甘草 大腹皮 丁香 訶梨勒



乾薑

炒五錢

白朮

草豆蔻

陳皮

去白炒一兩

桂心

三分

共末薑水煎三錢服

痰飲門

冷痰

論曰氣為陽陽不足者不能消燦水飲遇脾氣虛弱氣道否膈則聚飲而成痰浸漬腸胃上為嘔逆吞酸下為洞泄寒中久不已則令人消瘦倚息短氣妨害飲食昔

人治痰飲多以溫藥和之為此故也

半夏湯 治冷痰癖飲胸膈痞滿嘔逆不止

半夏

湯泡七次  
薑製三兩

人參 白朮 附子 甘草

赤茯苓

桂心

二兩

薑水煎三錢服日二

吳茱萸湯 治胸中塞痰心下煩悶欲吐不下食

吳茱萸

洗炒

人參 半夏

薑汁炒

桂心

二兩

甘草

一兩

薑棗水煎三錢空心溫服日二

半夏湯 治胃中冷痰嘔逆消食溫胃止逆

半夏 杏仁 陳皮二兩 桂心 甘草一兩

木香 乾薑五錢

薑水煎三錢空心溫服

吳茱萸湯 治胃中冷痰吐酸水胸中不快

吳茱萸湯洗炒 附子 半夏薑汁炒二兩

用薑水煎三錢空心溫服

丁香半夏丸

治胃中冷痰利胸膈和脾胃進飲食

丁香

一兩

半夏

薑汁炒二兩

人參

木香

藿香

五錢

肉豆蔻

煨二枚

陳皮

五錢

共末薑汁糊為丸薑湯下二十丸

法製半夏

治冷痰利胸膈一切諸痰並治

半夏

八兩湯泡酒浸一日

白礬

四兩

丁香皮

草豆蔻

三兩

全入酒浸春夏七日秋冬十五日取夏洗過焙乾每嚼五六粒茶酒任下

熱痰

論曰熱痰者由氣滯壅塞津液不通熱氣與痰水相搏聚而不散若咽喉乾燥或寒或壅頭目昏重咳唾稠濁面目赤熱是其症也

鵝梨煎丸

治熱痰涼心肺利胸膈解毒補元益氣

鵝梨

大者二十枚  
去皮渣取汁

皂莢

十條去皮  
水揉取汁

懷生地黃

八兩水  
搗取汁

薄荷

生搗  
取汁

白蜜

八兩全上  
汁煎成膏

人參

白茯苓

木香

肉苁蓉

白蒺藜

炒去  
刺

牛膝

半夏

一兩

雲白朮

羌活

三分

檳榔

煨三分

山藥

青皮

去白炒

防風

炙甘草

桔梗

三分

共末搗膏為丸如梧桐子大荆芥湯下二十丸

千金散

治熱痰壅盛胸膈不利

半夏

薑汁製

蛤粉

五錢

甘草

羌活

凝水石

三錢

過蝦

共末水下三錢空心服以利為度

丹砂丸

治熱痰壅盛虛煩躁渴

丹砂半為衣

膽南星

枯礬一兩

炙甘草五錢

半夏

二兩薑汁製水作糊

共末用薑汁糊為丸如梧桐子大丹砂為衣每服薑

湯下二十九

麥冬湯 治胸間熱痰不思食

麥冬 人參 前胡 葛根 犀角

一兩

桔梗五錢

蘆根二兩

水煎五錢空心服日二

膈痰結實

論曰膈痰者氣不升降津液痞澀水飲之氣聚于膈上久而結實故令氣道奔迫痞滿短氣不能眠卧甚者頭目旋運常欲嘔吐是也

金箔丸 治膈痰結實咽喉不利咳嗽喘息

金箔

五十片

牛黃

麝香

五分

冰片

珍珠

無油而白

者入豆腐中水煮研

硼砂

一錢

丹砂

一兩

甘草

二兩

馬牙

硝一錢



共末蜜丸如芡實大金箔為衣人參湯或薄荷湯下

一丸

半夏丸 治膈痰結實滿悶喘逆化痰

半夏薑汁製

五兩

皂莢

五挺去皮揉水煮半夏

生薑

五兩與半夏搗

作餅  
炙乾

為末蜜丸如梧子大薑湯下二十丸

犀角湯 治膈痰結實頭目昏運不思食咳嗽煩渴

犀角 人參 片苓 柴胡 麥冬 白茯苓

一分

升麻

錢五

甘草

分半

薑水煎三錢空心服

八珍丸

治膈痰結實滿悶喘逆不能眠卧者

丹砂

兩研半

犀角

鎊

羚羊角

鎊

茯神

牛黃

研

龍腦

研各二錢半

牛膝

南星

礞砂

研各一兩

右為細末研勻蜜丸如雞頭大每服一丸食後細嚼

人參荊芥湯下

神仙墜痰丸

治膈痰結實滿悶或痰飲否塞等症

皂角

不蛀者去皮弦酥炙黃色去子淨一兩六錢

白礬

一兩生用

黑牽牛

一觔取頭末四兩

右為末滴水丸如梧子大每日服三十丸漸加至百丸空心溫酒送下

### 膈痰風厥頭痛

論曰痰生於脾胃宜實脾燥濕又隨氣而升宜順氣為先分導次之風動於肝肝宜疎泄如治之未當則脾受木制而痰由自生久而鬱結胸膈隨火上升以致頭痛

發暈甚而至於風厥風厥者即肝厥也凡治此者宜豁其痰而燥其脾疎其肝而和其胃則痰自不生厥自愈而痛自止矣

玉壺丸 治膈痰風厥頭痛目眩等症

天南星

生

半夏

生各一兩

天麻

半兩

頭白麴

三兩

右為細末滴水為丸如梧桐子大每服三十九用水一大盞先煎令沸下藥煮五七沸候藥浮即熟漉出放溫別生薑湯下不計時服

玉真丸 治膈痰厥逆不可忍

硫黃

二兩

石膏

煨通赤研

半夏

湯洗

硝石

研各一兩

右為細末研勻生薑汁為丸如桐子大陰乾每服二十丸薑湯或米飲下更灸關元百壯虛寒甚者去石膏用鐘乳粉一兩

芎辛導痰湯 治痰厥頭痛

川芎

細辛

南星

陳皮

去白

茯苓

以上各一錢半

半夏

二錢

枳實

麩炒

甘草

各一錢

右作一服水二鍾薑七片煎至一鍾食後服渣再煎服甚者三四服必止

川芎九 治膈痰頭痛眩暈

川芎

一觔

天麻

四兩用郢州者佳

右為末蜜丸每兩作十服每服一九細嚼茶酒下取効最速

消渴

論曰消渴一症有標本之異當審其所起辨其所發而

施治焉庶不舛錯悞人若六氣為病其本有之三陰三陽為病其標有之一曰消渴以渴而不利引飲過甚言之二曰消中以不渴而利熱氣內消言之三曰腎消以渴而復利腎燥不能制約言之此久不愈能為水腫癰疽之病宜慎此者服藥之外當以絕嗜慾淡滋味為本

### 消渴

論曰消渴者渴而引飲乃復澍少是也得之五石之氣內燥津液腎氣不化故渴甚而澍少也久之不治則經

絡壅澀留于肌肉變為癰疽腫毒瘡癤之候

桃紅散 治三消渴病

石膏 鉛丹 赤石脂 白石脂 括樓根

一兩

炙甘草

五錢

共末空心溫水下二錢日二

沃焦散 治三消渴病飲水無度小便短少

泥鰌魚

十條陰乾去頭尾燒灰研

荷葉

陰乾研

共研勻用新汲水下三錢日二不思水即止



葛根丸 治消渴日飲水數斗不止

葛根

附子

括樓根

鉛丹

炒一兩

共末入蜜杵丸梧子大用茅根湯下二三十丸

神應丸

治消渴津液內耗飲水不休溺少

桂府滑石

飛過

寒水石

研五錢

用鷄子一枚取孔去黃將清和末如膏入殼封固外

以鹽泥包裹曬乾煨赤以藥細研大人飲下二錢小

兒五分

止渴括樓飲 治因好熱麪炙磚及熱藥并乳石三焦  
氣膈心肺乾熱口乾舌焦飲水無度小便數多心欲狂  
亂服此急救

括樓

一枚要黃熟者  
去皮用瓢并子

冬瓜

中樣大者一枚去  
蒂入括樓瓢子

用黃土泥裹瓜半指厚陰乾以火燒通赤去泥就熱  
將瓜爛研絞汁約七八合入蜜二兩和勻稍冷分作  
三服臟腑熱竭即不思水小便自無如括樓未熟時  
獨燒冬瓜服之亦妙

生津丸 治消渴疾津液內耗飲水不止溲少

青蛤粉

白滑石

飛過  
一兩

共研勻用黃頤魚涎和丸小豆大陳粟米飲下二三

十九日二

猪脊骨飲 治消渴久不差

雄猪脊骨

五寸

炙甘草

黑乾薑

半斤

大棗肉

二十枚

用水三升煎二升發時和熟水不拘時服以差為度

竹龍散 治消渴引飲不止溲少服之止渴利便

五靈脂

醋化瀝  
去沙石

黑豆

五錢

共末用冬瓜湯下二錢無瓜時用葉與子煎湯日二  
小可渴只用一服差差後不可服熱惟宜服八味丸  
仍用五味子代附子

八味丸 治消渴愈後復發時服之俱妙

懷熟地

四兩

山藥

山萸肉

白茯苓

牡丹皮

二兩

澤瀉

五味子

桂心

一兩

共末入蜜杵丸梧子大鹽湯下二三十丸

甘露散 治消渴飲水不止

猪胞

乾者十枚

煎破洗淨以火燒烟止研末空心酒下一二錢日二

生津液梅蘇丸 治消渴膈熱煩躁

白烏梅

紫蘇

烏梅肉

五錢

人參

一分

炙甘草

兩半

訶勒皮

一兩

百藥煎

三兩

麥冬

三分

共末用黃蠟汁和丸芡實大津化一九嚥下 暑月

行路止渴甚妙

人參煎方 治消渴

人參一兩 葛根二兩

共末發時用燂猪湯一升入末三錢蜜二兩慢煎取  
汁三合自稠如飴收貯夜飯後含化一匙津下重者  
不過三服

牛膝丸 治消渴下元虛損經久不止

牛膝五兩 生地汁五升  
為末

以汁浸末夜浸日曬汁盡為度入蜜杵丸梧子大酒

下三十九久服壯筋骨駐顏色黑鬚髮

薑魚丸 治消渴飲水不止

生薑

切片焙乾為末用鯽魚膽汁和丸梧子大米飲下七

丸至十丸

鷄臍脰散 治久渴不差旬日見效

鷄臍脰黃皮

鷄腸

五具炙

鹿角膠

白龍骨煨

白石脂

兩

桑螵蛸

二十一枚炙

土瓜根

三兩

川黃

連

牡蠣

汁童便

苦參

二兩半

漏蘆

炙一兩

其末空心飲下二錢日二

黃連牛乳丸

治消渴

川連

一斤去鬚

麥冬

二兩

牛乳

生地汁

生葛汁

四兩

二味共末用乳汁煎沸杵丸梧子大空心飲下二三

十九日二

竹葉湯 治消渴飲水不輟多至數斗



甘竹葉切

大麻仁炒

赤秫米

各一升

鹿蹄四隻

湯泡去皮毛  
骨細研肉

白茯苓二兩

薤白切二兩

共分八服先以水三鍾煎麻仁竹葉取汁入藥煎一鍾微微飲之渴止為度

### 消渴煩躁

論曰消渴煩躁者陽氣不藏津液內燥故令煩渴而引飲且躁也內經謂諸躁狂越皆屬於火蓋以心腎氣衰水火不相濟故也

蘆根湯 治消渴心脾中熱煩躁不止下焦虛冷小便多羸瘦

蘆根 一斤

括樓根

牡蠣

便

黃芪

二兩

知母

三兩

生麥冬 六兩

水煎三錢空心溫服日二

翠碧丸 治煩渴不止咽乾躁熱昏悶

青黛 麥冬 葛根 懷生地 二兩 括樓根 三分

寒水石 三兩

膽星

知母

五錢

共末用陳米糊九梧子大金箔為衣煎人參竹葉湯  
下十五丸至二十丸日二

天冬煎方 治消渴煩躁引飲無度驚悸不安

生天冬

半斤  
去心

白蜜

五兩  
煉

用水五鍾煎天冬至三鍾以汲水淘數次別以熱水  
一鍾入蜜攪勻浸天冬五日每食後食天冬一兩差

白茅根飲 治丹石并熱藥發動毒氣不宣心肺躁熱  
煩渴飲水不止旋作小便久之即為癰疽腫毒

白茅根

麥冬兩半

白茯苓

三兩

桑白皮

二兩

露蜂房

炙黑  
一兩

共粗末如黍米大水煎四錢淡竹葉十二片大棗二枚溫服日二

消渴小便白濁

論曰消渴飲水過多久則滲漏脂膏脫耗精液下流胞中與水液渾濁隨其所之與小便利下凝膏故謂之消渴小便白濁也

腎澀湯 治消渴小便白濁如脂

白羊腎

一對去脂膜切

五味

杜仲

生薑

黃芪

兩半

懷生地

一兩

人參

五錢

大棗

五枚

磁石

三兩打碎洗去黃水

綿裹煎

藥分二劑先以水四升煎腎與磁石二升入藥再煎八合去滓分二服

山茱萸丸 治消渴飲水極多肌體瘦弱小便如米泔腰膝冷痛諸方不能治者

山萸肉

括樓根

苦參

土瓜根

龍骨

半研兩

川連

三兩

共末用生括樓汁搗丸梧子大飲下三十九日二

肉蓯蓉丸

治消渴下焦冷小便如脂泔

肉蓯蓉

丹皮

川歸

五味子

巴戟天

地

骨皮

白龍骨

韭子

甘草

懷熟地

澤瀉

一兩

磁石

醋淬七次

赤石脂

人參

兩半

白朮

禹

餘糧

煨三分

桑螵蛸

炙四枚

共末入蜜杵九梧子大牛膝湯下二三十丸日二

久渴

論曰消渴之病本於腎氣不足下焦虛熱若病久不愈者邪熱蘊積滯澀精血衰微病多傳變宜知慎忌凡忌有三一飲酒二房室三鹹食及椒麪炙燂又消渴病經百日以上者當忌針刺若妄針灸則瘡上漏水變成癰疽矣

腎澀湯 治久消渴飲水不絕

遠志 赤茯苓 人參 川歸 龍骨 澤瀉 懷

熟地 川芎 片苓 桂心 二兩 五味 三分 麥冬

二兩 羊腎 一對

用水三鍾煮羊腎取汁煎藥五錢入薑棗溫服日二

升麻黃芩丸 治久渴不止

升麻 片苓 麥冬 五兩 人參 生地 三兩 苦參

八兩 括樓根 七兩 川連 川栢 五兩

共末用牛乳和丸梧子大飲下三四十丸



消渴後成水

論曰脾土也土氣弱則不能制水消渴飲水過多脾土受濕而不能有所制則泛溢妄行于皮膚肌肉之間聚為浮腫脹滿而成水也

瞿麥穗湯 治消渴欲成水氣面目膝脛浮腫小便不利

瞿麥穗

澤瀉

滑石

飛過五錢

子芩

大黃

炒一分

桑螵蛸

炒四分十枚

防己

三分

水煎三錢溫服頃又服

赤茯苓湯 治消渴後頭面脚膝浮腫胃氣虛弱不能下食心胸不利或時吐逆

赤茯苓 人參 白朮 前胡 紫蘇一兩 陳皮

檳榔 木香 桂心 三分 甘草 五錢

薑棗水煎三錢服

消渴後成癰疽

論曰消渴則隨飲而出皆作小便由少服乳石所致久

則榮衛損傷精血不足肌膚減耗石氣增熾隨附經絡  
津液內竭經絡凝澀榮衛不行熱氣留滯故變為癰疽  
此當精窮治法恐毒氣不出穿通臟腑也服熱毒助陽  
藥同一治法  
玄參散 治渴利後經絡痞澀榮衛留滯壅熱結成癰  
疽

玄參 犀角 木香 沉香 芒硝 黃芪

羚羊角 一兩 甘草 三分

共末空心溫水下二錢日二

磁石散

治消渴後經絡壅熱結成癰疽

磁石

引鐵者醋淬二十次一兩研

生地

黃耆

地骨皮

三分

檳榔

五味子

桂心

枳殼

五錢

共末溫水下三錢日二

石膏湯

治消渴後成癰疽

石膏

知母

兩半

括樓根

生去皮半斤搗取汁如無以乾者四兩代之

犀角

一兩

升麻

三分

土瓜根

生去皮半斤搗取汁如無以乾者四兩代之

之

水煎藥三錢入小麥少許去滓入二汁各半合溫服

日二

桑白皮湯 治消渴後心肺氣獨盛結成癰疽

桑根白皮

東引者蜜炙半斤

用水煎三錢空心溫服日二以差為度

消中

論曰消中者不渴而多溲一名內消以邪熱薰鑠五臟然後外及肌肉形體也得之少年餌石房室太甚真氣

耗憊石氣孤立結于腎則腎實腎實則消水漿故不渴而小便利多不得潤養五臟使所食之物皆消為小便治宜滋腎水養津液則差

天冬九 治初得消中食已如飢手足煩熱背疼悶小便白濁

天冬

去心二兩半

鷄內金

三具微炙

知母

土瓜根

五味子

微炒兩半

桑螵蛸

炙十枚

鹿茸

去毛酥炙

澤瀉

赤石脂

兩半

牡蠣

童便淬二兩

苦參

一兩

共末入蜜杵九梧子大飲下二十丸

薺芫湯

治內消所食物皆化作小便兼治強中

薺芫

大豆

人參

白茯苓

石膏

葛根

括樓根

子芩

甘草

知母

磁石

醋淬  
二兩

水煎五錢溫服日二

牡蠣丸

治消中食已即飢手足煩熱背膊疼悶小便

稠濁

牡蠣

醋  
滓

赤石脂

括樓根

肉蓯蓉

一兩

知母

澤瀉

去毛

天門冬

土瓜根

桑螵蛸炙

五味

子鹿茸

川連

子芩

三分

懷熟地

兩半

共末入蜜杵丸梧子大飲下三十九日二

猪肚黃連丸

凡消渴變為消中者飲食到胃腑即時

消化小便多而色白飲食過人而不覺飽者是為消中

雄猪肚

一枚洗去脂膜

川連

去蘆五兩為末

以大麻子仁二合研水四升調如杏酪汁煮肚候爛入連末密縫蒸極爛乘熱搗丸梧子大暴乾飲下三



四十九臨卧再服

肉蓯蓉丸 治消中真氣耗憊小便無度

肉蓯蓉二兩 人參 五味子 巴戟天 炙甘草

括樓根 地骨皮 丹皮 澤瀉 懷熟地 韭

菜子一兩 桑螵蛸炙三枝 禹餘糧燒紅醋淬二七次 龍

骨 赤石脂 磁石醋淬二七次兩半

共末入蜜杵丸梧子大牛乳汁下三十丸

消腎

論曰消腎者由少服石藥房室過多精血虛竭石勢孤  
立腎水燥涸渴引水漿下輸膀胱小便利多腿脛消瘦  
細小小便數或赤似血色骨節痠痛故名曰消腎

地黃湯 治消腎腿脛消瘦細小小便數似血色臟腑  
虛冷

懷熟地 麥冬二兩 桂心 炙甘草 川續斷

白茯苓炒五錢 黑乾薑一兩

水煎三錢溫服日二

山茱萸九 治消腎自腰以下瘦弱無力小便數不禁

山萸肉 牛膝 桂心 萆薢子 兩炒一 黃芪 炙蜜

肉蓯蓉 洗酒 杜仲 鹽酒炒斷 絲兩半

共末入蜜杵丸梧子大黃芪湯下二十九日二

人參鹿茸九 治消腎肢體瘦弱無力小便數

人參 黃芪 三分 炙蜜 鹿茸 一兩 括樓根 桑螵蛸

炙一 兔絲子 酒煮 兩半 杜仲 鹽酒炒 山萸肉 三分

雞臍脰黃皮 炙四枚

共末入蜜杵九梧子大棗肉湯下三四十九日二

磁石湯 治消腎小便白濁如凝脂形體消瘦

磁石

六兩搗如米粒分作二十貼煎用綿包入同煎

黃芪

炙

杜仲

鹽酒

炒

人參

兩半

懷熟地

兩

水三鍾先煮羊腎一對切片煮取汁二鍾入磁石一分再煎鍾半用汁煎藥四錢服日二

金銀箔丸 治消腎口乾眼澀陰痿手足煩疼小便多

金箔

銀箔

一百片

葛根

白茯苓

懷生地

三兩

肉蓯蓉

天冬 麥冬

二兩半

川連

四兩

括樓根

丹砂

飛二兩

黑乾薑

五味

巴戟天

澤瀉

兩半

共末入蜜杵丸梧子大丹砂為衣空心飲下二十九

日二

人參附子湯

治消腎飲水無度腿膝瘦細小便白濁


不差

人參 附子

青黛

五錢

水煎楮葉二片取汁煎二錢溫服日二



聖濟總錄纂要卷九

# 欽定四庫全書

子部

聖濟總錄纂要卷十

詳校官太醫院吏目臣宋桂

編修臣倉聖脈覆勘

總校官降調編修臣倉聖脈

校對官主事臣陳墉

謄錄監生臣左穎若

欽定四庫全書

聖濟總錄纂要卷十

休寧程林纂

水病門

論曰內經謂腎者胃之關也關門不利故聚水以從類  
上下溢于皮膚而為胛腫胛腫者聚水而生病也其狀  
目窠上微腫若新卧起然頸脉微動時作咳嗽股冷膚  
腫口苦舌乾不得正偃正偃則咳清水不得卧卧則驚



而咳甚則小便黃澁以手按腫處隨手而起如裹水之  
狀是也以脉別之脉沉者水病也洪大者可治微細者  
難治水病有不可治者五唇黑傷肝一也缺盆平傷心  
二也臍出傷脾三也足下平滿傷腎四也背平傷肺五  
也蓋脾腎氣虛三焦閉塞至陰之氣內蓄巨陽之氣不  
得宣通如是則水道不利飲濕攻脾散于肌肉而為水  
腫之病矣

水腫

論曰水腫之病以脾胃氣虛不能制水水溢妄行溢于皮膚其脛股冷膚腫時作咳嗽不得安卧小便黃澁以手按腫處隨手而起是也

妙香散 治一切水氣四肢腫滿

烏藥生 青皮 良薑 懷香子一兩

水煎三錢溫服

煖腎散 全前

巴戟天 甘遂炒一分 木香 亭藟 沉香一分

陳皮

芫花

醋炙

麥蘖

五錢

膩粉

一錢

澤瀉

一分

檳榔

二枚一  
生一熟

共末用猪腰切滲末二錢紙包煨先食粟米葱粥半碗吃腰又食粥臨卧服至五更大小便下赤黃惡物愈

大黃湯

治水腫腹滿

大黃

醋炒

桑白皮

二兩

人參

甘草

桂心

細辛

一兩

水煎五錢入棗二枚去滓入白飴一匙沸服日三利

小便三五升差

檳榔丸 治水腫

檳榔微煨 附子 防已 紫朴 吳萸 乾薑

葶藶炒紫 杏仁 甘草 椒目 赤茯苓 括樓仁

海藻 麻黃去根節 白朮 黃芪 桂心兩半

共末蜜丸梧子大飲下二十丸二便利為効

十水

論曰十水之病腫從脚起上氣而咳名為白水其根在肺腫從面目起名為清水其根在肝腫從腹肉起名為黃水其根在脾腫從脚趺起名為黑水其根在腎腫從心起名為赤水其根在心腫從腹起名為氣水乍實乍虛乍去乍來其根在大腸腫從頭面起至足名為垂水其根在膽腫從內起堅塊四肢小腫名為石水其根在膀胱腫從四肢起腹大名為風水其根在胃腫從腹內起名為裏水其根在小腹凡此十水生于臟腑各從其

根究其所本則肺與腎而已故內經云其根在腎其本在肺皆積水也又曰津液充郭其魄獨居精孤于內氣耗于外形不可與衣相保蓋腎氣虛弱水氣脹滿上攻于肺肺氣孤危腎為水害子不救母故陰精損于內陽氣減于外三焦不溢水道不通水滿皮膚身體痞腫治之之法備見內經故曰平治於權衡去菀陳莖微動四極溫衣繆刺其處以復其形開鬼門潔淨腑精以時服五陽已布䟽滌五臟則精自生形自盛骨肉相保巨氣乃

平

賜名神助散 舊名葶藶散 治十種水病百方不愈

面目四肢俱腫氣息喘急眠卧不安小便澀滯腹脹氣

悶水不入口垂命欲絕者

椒目

微炒  
三兩

猪苓

澤瀉

四兩

牽牛

炒香  
五兩

苦葶藶

炒六  
兩

共末薑水煎三錢入葱白三莖酒半鍾稍熟下良久

喫葱白粥一碗酒一鍾面東熱喫至子後二便通利

喘定腫減間日再服百日盡消

補藥木香丸 取下水氣

木香 青皮 錢一 莪朮 錢二

共末糊丸梧子大湯下十丸

靈保丸 治十水

滑石 兩二 膩粉 兩一

共研木瓜汁丸小豆大五更飲下七丸日止一服服  
七日覺臍腹撮痛小便多為効忌鹽百日覺効便服



補脾胃藥

再蘇丸 治十種水氣大通三焦此方仙經所載天台  
山金壇石室中鐫記但令人忌口無不差者

大戟

炒

甘遂

炒

桂心

乾薑

春大麥麴

炒

巴豆

麴炒  
去油

大黃

炒

共末蜜丸小豆大茶下十九取利為度

桑白皮飲 治氣水面目浮腫胸滿短氣小便不利

桑白皮

赤芍

郁李仁

百合

兩半

木通

兩

大腹皮五枝

水煎五錢空心溫服日二

風水

論曰內經云腎者北藏也腎主水故人勇而勞甚則腎汗出腎汗既出復感于風內不得入于臟腑外不得出于皮膚客于玄府行于皮裏傳為胛腫本之于腎名為風水其脉自浮其外症骨節疼痛而惡風且身腫如裹水之狀頸脉動時咳者是也金匱方云脉浮而洪浮則

為風洪則為氣風氣相搏身體洪腫汗出乃愈惡風者為風水不惡風者小便通利上焦有寒其口多涎此為黃汗二者之症不可不察

麻黃石膏湯 治風水偏身洪腫骨節疼痛惡風汗出不仁

麻黃

去根節  
六兩

石膏

八兩

白朮

三兩

附子

一枚

甘草

二兩

薑棗水煎服

大豆湯 治風水一身腫滿短氣欲絕

杏仁

三兩

防風

白朮

二兩半

赤茯苓

防已

麻黃

去根節

甘草

二兩

黃芪

一兩

水煎五錢入大豆酒一合日三利小便愈

防已湯 治風水脉浮浮為在表其人或頭面汗出而表無他病但腰已下跗腫

防已

白朮

二兩

甘草

一兩

黃芪

二兩半

薑棗水煎三錢空心溫服日二如

喘加麻黃

去根節

身重胃中不和加桂心 心下久寒加細辛每服藥  
取汗愈

石水

論曰腫從內起堅塊四肢遊腫名為腎水其根在膀胱  
蓋腎主水與膀胱膀胱者州都之官津液藏焉氣化則  
能出矣今腎水則膀胱氣弱膀胱氣弱則不能化氣而  
隱滯不能行水液停結于臍腹間故其症胸腹鼓滿按  
之如石脇下脹痛其脉沉遲身體發熱四肢頭面皆腫

也

桑白皮湯 治膀胱石水四肢瘦

桑皮 三兩 白朮 射干 赤茯苓 二兩

澤漆 炒 澤瀉 炒 防己 一兩

水煮大豆半合取汁煎三錢溫服日二

楮白皮湯 治石水四肢細瘦獨腹腫大狀如懷孕心

中妨滿食即氣逆

楮皮 桑皮 防己 一兩 白朮 射干 赤茯苓 一兩

澤漆炒

大豆

錢炒五

水酒合煎三錢溫服

杏仁丸 全

杏仁

去皮尖炒

苦瓠

去膜微炒一兩

共末糊丸梧子大飲下二十九水出為度

大腹水腫

論曰內經云水病下為跗腫大腹又曰上下溢于皮膚故為跗腫其症腹大四肢小陰下溼手足逆冷腰痛上

氣咳嗽煩疼是也蓋三焦閉塞水道不通流溢皮膚榮  
衛否澁內連腹膜則至陰內動脹急如鼓得病之本多  
因大病之後或積虛勞損或新熱食畢入水自漬及浴  
冷水水氣不散理宜然也

牛黃丸 治大腹水腫氣息不通症候危篤者

牛黃錢五 昆布 牽牛 海藻 桂心兩一

椒目 葶藶炒紫三分

共末蜜丸小豆大飲下十丸小便利為度



蘇合香丸 治水氣腹大腫

蘇合香

水銀

水浸煮一伏時後入研

白薇末

兩

共研蜜丸小豆大空心飲下十丸

丹參酒 治久患大腹痛其狀四肢細瘦腹大有勞苦

則脰腫滿食則氣急此病服下利藥不差宜用此酒以

散除風溼利小水

丹參

鬼箭羽

白朮

土炒兩半

知母

赤茯苓

一兩

秦艽

七分

猪苓

海藻

水洗

真獨活

桂心

三分

共為粗末以白酒五升浸五日每服一鍾日三

水腫欬逆上氣

論曰內經謂腎為水腫肺為喘呼氣逆不得卧蓋腎主水肺主氣腎虛不能制水水氣脹滿上乘于肺肺得水而浮故虛而咳嗽古方有云腫從脚起上氣而欬名曰白水其病在肺

褚澄防已煎散 水腫上氣

防已 澤漆葉 澤瀉五兩 白朮 丹參 赤茯苓

桑白皮 陳皮 木通<sub>三兩</sub> 郁仁<sub>五合</sub>

水煎五錢入生薑日三小便利為度

防已湯 水氣欬逆上氣四肢浮腫坐卧不安

防已 甜葶藶<sub>炒五錢</sub> 木通 桑白皮 赤茯苓<sub>一兩</sub>

陳皮<sub>二兩</sub> 澤漆<sub>五錢</sub> 郁李仁<sub>微炒</sub> 百合<sub>一合</sub>

水煎五錢

鯉魚湯 水腫腹大喘欬胸脇滿不得卧

鯉魚<sub>一尾二片去鱗腸</sub> 紫苑 桂<sub>三兩</sub> 防已 黃芩

硝石 研

人參 二兩

用水一斗煮魚取汁五升每二鍾煎末五錢日三

雌雞湯 胸中喘嗽逆水氣身腫利小便

雌雞

白者 一隻

白朮

半夏

一兩

澤漆

二兩

炙甘草

兩半

粗搗篩用東流水五升煮雞取汁入藥五錢薑棗赤

小豆煎服日三夜一

澤漆根湯 水在肺令人咳喘上氣腹大脚腫目下如

卧蠶微渴不得卧小便難少而數胸滿隱痛此水氣迫肺宜利小便

澤漆根

生四兩

人參 麥冬 炙甘草 赤茯苓

一兩

鯉魚

一尾大一斤水三升煮魚汁煎三錢日三以二便利為度未利稍增寒加生薑

水氣徧身腫滿

論曰腎主水脾胃主土土尅水胃為水穀之海其氣虛不能傳化水氣使水氣浸漬水臟又脾得水溼之氣土衰不能制水氣溢歸于腎腎虛三焦不瀉經絡閉塞故

水氣溢于皮膚傳流四肢所以通身腫也其候上氣體重小便黃澁腫處按之隨手而起是也

木通湯 徧身腫

木通 苦葫蘆

兩半

防已

澤瀉

三分

猪苓

兩一

海蛤

兩一

酒水煎五錢入葱白溫服當下小便數升腫消

鯉魚湯 水病通身洪腫

鯉魚

斤一

澤漆

微炒

人參

兩半

杏仁

錢炒五

共末水三升煮魚以汁煎末三錢日三小便利乃止

海蛤丸

水腫腹滿四肢瘦喘促小便澀妨悶

海蛤

研二兩

木香

防已

厚朴

訶勒皮

旋復花

一兩

桂

五錢

共末蜜丸梧子大大腹皮湯下二十丸

枳實湯

水氣

枳實

去白炒

白朮

升麻

炙甘草

紫苑

知母

桑白皮

赤茯苓

黃芪

秦朮

麥冬

黃芩

等分

蔥白水煎三錢

白朮湯

水氣渴腹脇脹滿

白朮

人參

赤茯苓

炙甘草

水煎五錢服

平補鹿茸丸

水氣平愈體瘦如舊

鹿茸

炙

茯苓

酒洗

地黃

兔絲子

酒炒

栢

子仁

一兩

白茯苓

黃芪

防風

遠志

車前子



五味子 桂

五錢

蜜丸梧子大飲下三四十丸

水蠱

論曰水腫之狀腹膜腫脹皮膚粗黑搖動有聲此由脾胃氣虛溼氣淫溢久不治則害人如蠱之毒故謂之水蠱

大黃湯 水蠱二便不通急脹壅塞

大黃

醋炒兩半

麥冬

三分

川連

甘遂

微炒

茅根

一兩

貝母三分

水煎二錢

瞿麥湯 水蠱腹脹滿急小便不通縱有少而黃赤

瞿麥穗 車前 滑石 茅根 甘遂炒

苦參等

水煎二錢日三

分水氣海蛤丸 水蠱腹脹喘嗽

海蛤 煨五錢

凝水石 滑石 兩

膩粉 粉霜 一錢

白丁香

五十枝

共末麴和作餅子紙包煨熟為末糊丸菴豆大酒下

二十丸

鼠尾草丸 水蠱

鼠尾草

馬鞭草

各五斤

水五斗煮二斗取汁再煎成膏為丸小豆大以輕粉為衣飲下三丸

惡實丸 水蠱身體洪腫

惡實微炒

為末糊丸梧子大飲下十九勿嚼破

瓠瓢煎 同前

瓠瓢一枝

水二升煮一炊去滓煎堪丸即丸小豆大飲下十九  
取小便利後勿飲水作小豆羹食之

楮枝煎 蠱病水腫

楮枝半斤

水五升煎半取汁入黑豆末半升煎成頻服一匙

膜外氣

論曰諸家方書論水病甚詳未常有言膜外氣者唐天寶間有徒都子者始著膜外氣方書本末完具自成一家今并編之然究其義本于肺受寒邪傳之腎腎氣虛弱脾土又衰不能制水使水溼氣散溢于皮膚之間氣攻于腹膜之外其病令人虛脹四肢腫滿按之沒指是也

徒都子論病本

膜外氣者或謂之水病起于他疾不可常定或因患瘧或因積勞或因腎臟中風或因肺腑傷冷或因膈上氣或因衝熱遠行或因酒肉中所得始于肺終于腎或因咳嗽或多涕唾或因蓄聚冷氣壅塞不散遂使肺臟邪氣攻心冷氣化為水流溢膀胱在大腸膜外所以切脉不能知針灸不能及蓋人腎為命本不可虛也本固枝葉茂本虛即枯槁况四時衰旺皆秉腎臟之氣腎損則

五臟皆衰是致胃閉而脾不磨氣結而小便澀輕重之  
候在大小便耳若小便不通則氣壅攻擊腹內衝出膜  
外化而為水使人手足頭面浮腫若二便微澀則微腫  
極澀則極腫二便俱不通三日即徧身洪腫則陰亦腫  
夫陰腫有二有腫而小便自出者有腫而小便澀者又  
有莖囊連小腹臍背腫者此並為死候宜速治之若患  
此腫病亦不常定或先手足面目浮腫或先腰肋微腫  
或先手足小腫其候或消或甚三五日稍愈又發亦以

小便通澁為効積漸變化洪腫女人得之與此畧同凡患此疾令人腹脹煩悶胸間氣急此由肺脹甚至喘如牛吼坐卧行立不得或中夜逆氣攻心胸重者一二年方死有一二月死者若將息失度悞食毒物十日半月即甚也愚醫多以針灸出水為功又以鯉魚赤小豆為藥又令病人飲黃牛尿服商陸根反有所損少有差者大抵此病尤忌針灸華陀云患水病勿遇良醫第一不可針灸言氣在膜外已化為水水出即引出腹中氣水



盡則死有此病疾者宜向陽行坐遇陰雨則愈覺壅滯  
房中常須存火服藥後夜卧覺胸間熱甚宜含紅雪與  
好茶之類慎勿飲酒及冷藥茶冷水若渴宜喫五靈湯  
錄在卷後尤忌鹽生冷醋滑

五靈湯 膜外水氣

木通 訶勒皮 防已 赤茯苓 陳皮

兩

水煎五錢覺熱喫好茶

紫蘇煮散 膜外水氣

紫蘇 防風 白朮 桑皮 等

共末水煎覺熱去白朮加甘草功效如前方 又有  
蛇蠱狀如水病相似四肢如故小便不甚澁但腹急  
腫而蠱脹不下食凡醫多誤作水氣治之宜只細詳  
審

聖濟總錄纂要卷十

欽定四庫全書

聖濟總錄纂要卷十一

休寧程林纂

黃疸門

黃疸統論

論曰疸病症有五種一曰黃疸二曰黃汗三曰穀疸四曰酒疸五曰女勞疸黃疸者偏身面目悉黃如橘黃汗者身體黃腫汗出如檠汁不渴狀如風水穀疸

者食畢頭眩心中怫鬱不安而發黃 酒疸者心中懊  
痛足腫滿小便黃面發赤斑黃黑由大醉當風入水所  
致 女勞疸者一身面目皆黃發熱惡寒小腹滿急小  
便難由大熱房室過度 此五者症狀雖異大率因酒  
食過多水穀相並積於脾胃復為風濕所搏熱氣鬱蒸  
所以發黃為疸 其症食已如飢曰胃疸 額上黑足  
下熱曰黑疸 其因傷寒時氣後變成黃者緣陽明病  
無汗小便不利熱瘀在裏心中懊懣身必發黃若被火

額上微汗出但小便不利亦發黃其狀如橘色腹微滿  
此由寒濕不散瘀熱在于脾胃故也 又有九疸三十  
六黃其症其名悉各不同治皆有法具載後章凡黃病  
當利其小便疸而渴者其病難治疸而不渴其病可治  
黃疸

論曰內經謂目黃者曰黃疸又曰安臥脉盛謂之黃疸  
其外症身體面目及爪甲小便盡黃其內症食已如飢  
此由酒食過度脾胃有熱復為風濕所搏瘀結不散熱

氣鬱蒸故發是疾若面色微黃身體或青赤黑色皆見者與純熱之症不同當于濕家求之諸黃疸發于陰部其人必嘔發于陽部其人必振寒而發熱也

茵陳蒿湯 治黃疸目黃小便如血心煩躁悶口苦頭痛

茵陳蒿 麥冬 山枝仁 木通 柴胡

三分

括樓根

一兩

炙甘草

五錢

水煎五錢入竹葉二七片溫服日二

木通湯 治黃疸脾胃積熱皮肉皆黃煩躁口苦小便赤澀

木通 瞿麥穗一兩 懷生地兩半 大青

赤茯苓 白茅根 秦艽三分

水煎五錢溫服日二

黃連湯 治黃疸面目偏身皆黃小便盡黃

川連 大青 人參 地骨皮 茵陳蒿

山枝仁炒 子芩 柴胡 芒硝一兩



大黃

炒二兩

水煎五錢溫服日二

桃根湯 治黃疸面目一身如金色及一切疸病

桃根皮

東引者一把如奴股者佳勿見風及避女人雞犬

水煎取汁空心頻服如眼中黃色未退時飲酒一杯

白鮮皮散 治一切黃疸面目皮肉如金色小便赤黑

口乾煩渴

白鮮皮

二兩

芒硝

大黃

三兩

土瓜根

茵陳蒿 括樓根 白芍 川連 柴胡

山枝

兩半

子芩

兩一

真珠

三十枚  
燒赤研

大青

兩半

共末用白茅根取汁下三錢取利至晚不利再服  
了以葱豉粥投之取利為効

柴胡湯 治黃疸身面黃口渴

柴胡

五錢

炙甘草

一分

白茅根

一把

水煎溫服未差再服

秦朮煮散 治面身目爪甲小便俱黃

秦朮

一兩

用牛乳二鍾半煎鍾半分二服未差再服

茵陳蒿丸 治一切黃疸并小便如金色及身皮皆黃者

茵陳蒿

四兩

大黃

片苓

山枝仁

三兩

共末入蜜杵丸梧子大空心飲下二三十丸日二

吳藍飲 治黃疸身腫發熱汗出而渴汗著衣正黃

吳藍 白芍 麥冬 白鮮皮 山枝仁

桑白皮

炙

防己

一兩

水煎五錢溫服日二

急黃

論曰諸發熱心顫定必發為急黃謂其卒然發黃心滿  
氣喘命在頃刻故名急黃也有初得病身體面目即發  
黃者有初不知是黃死後變黃者但先有其症當急治  
之此由脾胃有蓄熱及客氣鬱蒸又因熱毒所加故發  
為斯病也

茵陳蒿湯 治急黃小便赤黃如枝子汁色兼心中

煩悶

茵陳蒿 子芩 山枝仁 川連 大黃

微炒

白鮮皮

一兩

貝齒

煨

朴硝

研五錢

水煎五錢去滓入朴硝五分沸服日二

茵陳川連湯 治天行急黃身目如金色

茵陳蒿 川連 子芩 大黃

炒一兩

人參

炙甘草

五錢

水煎五錢空心溫服日二

龍膽草湯 治急黃面目身體如金躁欲飲水

龍膽草

一兩

石膏

二兩

木通

土瓜根

大黃

微炒

兩半

白茅根

朴硝

研

犀角

一兩

山枝

五錢

水煎三錢去滓入朴硝五分沸服

黑豆煎 治急黃煩熱口乾徧身悉黃

黑豆

一升

用水五大鍾煎汁二鍾入生地汁藕汁麥冬汁白蜜

各二合酥半合慢煎成膏含化一匙日三夜一

陰黃

論曰陰黃者面黃頭痛不發熱不欲聞人聲音此由陽  
伏于陰邪氣熱盛沉潛散于肌肉身黃如橘故謂之陰  
黃昔人有言下之後身目發黃者當於寒濕中求之此  
其類也

秦朮湯 治陰黃不欲聞人言語小便不利

秦朮

一兩

赤茯苓

炙甘草

旋復花

五錢

用牛乳煎四錢溫服

茵陳蒿散 治陰黃身面如橘色小便不利

茵陳蒿 二兩 白朮 猪苓 赤茯苓 三分

桂心 五錢 澤瀉 去毛 一兩

共末空心水下二錢日三

半夏湯 治陰黃小便色不變欲自利腹滿而喘者必噦

半夏 湯泡薑汁 炒一兩 人參 葛根 二兩



生薑水煎四錢溫服日二

赤小豆散 治陰黃

赤小豆

丁香

各二十  
一粒

麝香

研一  
錢

瓜蒂

二  
枚

青棉布灰

二  
錢

共末熟水下一錢日二以吐為度又取少許吹鼻中  
有黃水出効

酒疸

論曰胃虛穀少醉以入房冒犯風邪胃中熱毒隨虛入

裏小便黃赤濕毒內聚心下懊懣疼痛薰發肌肉則身  
目發黃或發赤斑足脛浮腫或下之早則變為黑疸令  
人心如病飢大便黑瘀皮膚不仁治法槩宜先去濕毒  
後分小水

陳茵蒿湯 治酒疸心中懊懣痛小便黃赤

茵陳蒿 葛根 赤茯苓 升麻 秦朮

錢五

兩一

括樓根

三分

山枝仁

半分

水煎三錢溫服日二以差為度

艾葉湯 治酒疸身目俱黃心中懊痛

艾葉

生一把如  
無用乾者

麻黃

去根節  
二兩

大黃

炒兩  
半

用酒煎四錢入大豆半合空心溫服日二

凝水石散 治酒疸小便不利或飲少洩多如白泔色

凝水石

煨

白石脂

括樓根

一兩

知母

桂心

兔絲子

酒煮  
二兩

共末空心飲下二錢日二

小麥飲 治酒疸

生小麥

用水煎二合取汁頓服未差再服

追毒飲 治酒疸徧身發黃

狗脊

去毛酒  
煮一兩

白芥子

炙甘草

一分

用酒一升煎半升分二服以利下為度未利再服

穀疸

論曰夫飢飽甚則胃中滿塞穀氣未化虛熱薰蒸遂為  
穀疸其症心下懊悶顙睡心忪怫鬱發煩小便不利身

黃如橘是也

苦參枝子丸 治穀疸

苦參 子苓 山枝仁 龍膽草

一兩

共末用雄豬膽汁和丸如梧子大空心飲下二十九

日二

胃疸

論曰已食如飢者胃疸也夫胃熱則能消穀今已食如飢者以胃氣但熱而無陰也然胃為足陽明陽明之脉

絡屬於心陽明得熱則心火上行陽炎過矣故單陽成  
痺心嘈雜而身面黃小便赤色也

瀉熱湯 治胃中有熱食已如飢不生肌肉面色萎黃

生大黃

麻黃

去根節

子芩

四兩

甘草

陳皮

去白

杏仁

去皮尖研

赤茯苓

芒硝

研

澤瀉

一兩

水煎三錢溫服日二

蘆根湯

治胃熱壅盛食已如飢面黃口燥

蘆根

麥冬

栝樓根

一兩

甘草

知母 赤茯苓

三分

生薑水煎三錢入小麥一撮竹葉生地一分溫服日

二

赤茯苓湯治胃積熱食已即飢面黃肌瘦胸滿脇脹

赤茯苓 陳皮 澤瀉 桑白皮

三兩

白芍藥

白朮

四兩

石膏

研八兩

人參

桂心

二兩

半夏

薑炒

六兩

生薑水煎四錢溫服

犀角湯 治胃實熱嘔逆不下食

犀角屑

葛根

三分

麥冬

枇杷葉

去毛炙  
一兩

生薑水煎三錢服

黑疸

論曰諸黃疸酒疸女勞疸久不已皆變為黑疸其狀小  
腹滿身體盡黃額上反黑足下熱大便黑是也黃本脾  
病脾者土也脾病不已傳其所勝腎斯受之腎為水藏  
其經足少陰其色黑病在腎故小腹滿色黑大便黑足



下熱是皆足少陰經受病之症

當歸湯

治諸疸久不差變成黑疸小腹滿身黃額黑

川歸

三兩

桂心

六兩

麥門冬

大黃

炒一兩

黑乾

薑

黃芪

炙

茵陳蒿

子芩

赤茯苓

炙甘

草

石膏

研

川連

白芍藥

人參

二兩

共十四味剉如麻豆大用生薑水煎三錢空心溫服

日三一方無黃芪

土瓜根飲

治諸疸變成黑疸諸醫所不能治者

土瓜根

水煎取汁每日空心服半鍾其病隨小便出即愈須  
強壯人可半鍾羸瘦人只一合無生者剉乾者一兩  
水煎服

女勞疸

論曰脾胃素有濕熱或緣大暑醉飽房勞過度引熱歸  
腎濕氣交攻小水不利小腹堅脹濕毒流散于肌肉之  
中則四肢身面發黃故謂之女勞疸然其症又有額上

黑微汗出手足心熱薄暮即發膀胱急小便自利者各宜隨其症而治之

硝石礬石散 治女勞疸身目皆黃發熱惡寒小腹滿急小便難出大勞大熱房室傷損濕毒散于肌肉

硝石 礬石

燒枯  
一兩

共末空心飲下一錢覆衣取汗隨利小便色黃大便色黑差未差再下

犀角湯 治女勞疸及勞氣熱渴額上汗出手足熱小

便赤澀

犀角

龍膽草

一兩

升麻

炙甘草

五錢

麥冬

去心  
三分

生薑大棗水煎三錢去滓入生地汁一合再沸服日

二

髮灰散 治女勞疸身目俱黃惡寒發熱小腹滿急小

便難

亂髮

雞子大  
一丸

猪脂

半斤

用油慢火煎髮令髮消盡溫水下一匙不拘時頻服  
以小便利為度

黃汗

論曰黃汗者汗出沾衣色正黃如檠汁故名曰黃汗由  
脾胃有濕瘀熱伏留薰發肌肉散而為汗其症使人身  
體浮虛骨節疼痛發熱汗出而不渴是其候也

黃芪苦酒湯 治黃汗身腫發熱汗出而不渴狀如風  
水汗沾衣色黃如檠汁脉沉由夫汗出入水中浴水從

汗孔入而得之

黃芪

蜜炙  
五兩

白芍藥

桂心

三兩

用苦酒二鍾煎五錢空心服之當心煩苦酒阻故也

日二服

吳藍湯

治黃汗身重發熱汗出而不渴狀如風水汗

出衣黃

吳藍

防己

白鮮

山枝仁

桑白皮

麥冬

去心

白芍

兩半

水煎三錢溫服未効再服

茵陳蒿湯 治黃汗身熱不退大小便不利

茵陳蒿 木通 黃芪 赤芍藥 赤茯苓

炙甘草

一兩

大青

炒二兩

水煎五錢溫服頃再服以二便通利為度

山枝括樓丸 治黃汗身熱大小便不利

山枝仁 括樓根 苦參

一兩

共末用醋浸雞子二枚和丸梧子大水下三十九日

三四服

蔓菁子散 治黃汗如檠汁沾衣身虛浮

蔓菁子

為末用井華水空心下二錢日二以差為度

三十六黃

一心黃

二肝黃

三脾黃

四肺黃

五腎黃

六鬼黃

七姦黃

八血黃

九人黃

十髓黃

十一癰黃

十二急黃



十三氣黃

十四癩黃

十五白黃

十六陰黃

十七膽黃

十八驚黃

十九風黃

二十走精黃

二十一酒黃

二十二雞黃

二十三蜒蚰黃

二十四火黃

二十五走馬黃

二十六房黃

二十七黑黃

二十八厭黃

二十九水黃

三十爪黃

三十一腸黃

三十二犢黃

三十三氣黃

三十四猪黃

三十五土黃

三十六蝦蟆黃

右三十六黃有烙法有灸法有方法中多奇證大約是瘟疫中壞證必有之惡候也然三法俱難用故不刊載今存其名以備醫家博覽

### 胸痺門

#### 胸痺統論

論曰虛極之人為寒邪所客氣上奔迫痺而不通故為胸痺其症堅滿痞急或胸中怫怫如噎塞或胸背皆痛或胸滿短氣咳唾引痛煩悶白汗出或心痛徹背或肌

痺皮痛是皆閉塞而不通也夫脉當取太過與不及陽微陰弦則胸痺而痛又云胸痺之病喘息咳唾背痛短氣寸口脉沉而遲關上緊是皆胸痺之候也

胸痺

論曰胸痺之病其脉陽微而陰弦陽虛則知在上焦陰弦故令胸痺心痛古方用理中湯取緩其中氣則可也然背者胸之腑或築或悸或渴或腹痛或寒或腹滿其候不一治當隨症加減

理中湯 治胸痺

人參 白朮 炙甘草 黑乾薑一兩

水煎五錢溫服頃又服 若築者此腎氣動也去白朮加桂心 臍上築吐多者去白朮加生薑 下多者復用白朮 悸者加白茯苓 渴者加白朮二兩 腹中痛加人參一兩 寒者倍乾薑 腹滿去白朮加附子服後以稀粥投之取汗

括樓實湯 治胸痺

栝樓實

一枚并  
麻子用

枳實

五枚  
麩炒

半夏

四兩  
薑炒

水煎五錢入薤白五寸生薑三片煎溫服日二

半夏湯 治胸痺心下堅痞急痛徹背短氣煩悶白汗

出

半夏

薑汁炒  
二兩半

栝樓實

一枚

薤白

切二  
合

生薑水煎五錢入薤白服日二

胸痺噎塞

論曰胸痺噎塞之病以胸中痞結不通故有噎塞之症

蓋寒氣客于五臟六腑因虛而發上冲胸間則氣痞而  
不通甚則為噎塞也

裨布丸 治心胸氣喉中噎塞

裨布

洗燒灰  
三分

木香

赤茯苓

枳實

麩炒

檳榔

五錢半  
生半炒

訶梨勒

煨皮  
五錢

甘草

乾薑

一分

共末入蜜杵丸如梧子大空心溫酒下三十九日二

赤茯苓湯 治胸中氣壅噎塞

赤茯苓

三兩

炙甘草

一兩

杏仁

四十九枚去  
皮尖炒研

水煎三錢溫服日二

胸痺心下堅痞急

論曰體虛之人寒氣客之氣結胸鬱而不散故為胸痺其症心下堅滿痞急甚者疼痛搶心如刺手不得犯治之當辨至微殆不可忽也

五物湯 治胸痺心下堅

陳皮

去白炒

白芍

川歸

五錢

木香

一分

桔梗

一兩

生薑水煎五錢服

桔梗湯 治胸痺心下氣堅滿痞急刺痛不可俛仰氣促咳吐引痛不能飲食

桔梗

炒

陳皮

兩 炒二

甘草

兩 一

栝樓實

枚 炒一

生薑大棗水煎五錢入薤白五寸空心溫服日二

五味丸 治胸痺心下堅痞急

附子

黑乾薑

兩 三

桂心

檳榔

訶勒皮

兩 一

共末入蜜杵丸如小豆大酒下二三十九日二

白豆蔻湯 治胸痺心下堅痞急



白豆蔻

人參

木香

桂心

錢五

黑乾薑

京三稜

醋煮

炙甘草

陳麴

一兩

陳皮

大麥蘖

炒香  
三兩

生薑水煎三錢入鹽少許溫服日二

胸痛

論曰胸痛者胸痺痛之類也此由體虛挾風又遇寒氣加之則胸膈兩乳間刺痛甚則引背膊或徹背脊咳唾引痛是也

桔梗黃芪湯 治胸膈痛

桔梗

二兩

人參

川芎

甘草

蘇葉

五錢

川歸

黃芪

沉香

一兩

水煎三錢溫服日二

白朮枳實散 治胸痺

白朮

土炒

枳實

麩炒

陳麴

炒一兩

共末酒下二錢日二

栝實散 治胸痺


栢子仁

炒一兩

桂心

半分

共末飲下二錢日二



聖濟總錄纂要卷十一